# Sasa umezaliwa upya (Tafsiri ya Kibende)

Chris Oyakhilome, D.Sc., D.D

# Sasa umezaliwa upya (Tafsiri ya Kibende)

Chris Oyakhilome, D.Sc., D.D

All scripture quotations in this volume are from the King James Version of the Bible unless otherwise indicated.

Fourth printing 2009

ISBN 978-34658-7-2

Published by: LoveWorld Publishing Copyright © 2006

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

## GHALIMO MOOMU MUKATI

1	Driwene Brujnikentie Nogriwe	/
2.	Ughwe nonwe ghwakafyalwa bhuhya	13
3.	Uli kobhe nfume jhyeke Kabhumba Ghwanasusana najhe	15
4.	Ughwe uli mutendeke hambele jhyeke Kabhumba!	21
5.	GHWAKALOLEKA KUBHA KANYA BHWENE!	23
6.	<b>G</b> нwакағишwа!	25
7.	GHWAKASABHULWA!	29
8.	Мжедно днжеке Кавнимва дниц микаті мимовне!	33
9.	Ulikwila si kobhe ghwasumbula kulanganyia mabhi	35
10.	Uneela вниті ковне внануwanyı вноовне внакаle	
	BHASUMBULA KUKWIHAGHA MWEGHO	45
11.	Unela bhuti kobhe kusamba kukulu kwakwisila?	53
12.	Mwegho Mulafu ali naghwe!	61
13.	UHENSELWE KUJHA KUKANISA?	71

# Ndugu Mpendwa,

Hongera ku nsimano jhya bhusila kulihila jhya bhupanga bhwa nfuku syonse jhyakukabha ghwakajhipokeela halya tue hoghwakabha ghwamuswa Jheesu Kiliisito kubha so bhusya no Ksabhula ghobhe.

Ndikuhensa kulondekana noobhe bhwene bhwakukabha gho musingi ghwa kwisigha kwa Kiliisito, kwisigha kwakukabha kulokufunanila kujhojhya mekasi ghakukabha ghali masiipe na ghakukabha ghanalenta bhusogha mu mekasi ghobhe kuhitila Kiliisito. Lijhighe ghagha kukutembekesya nokubha ghalokufunanila kufyala majhabho ghobhe gha bhupanga bhwa nfuku syonse.

Ndikutendjhyuka kwa Kabhumba akuhe Mwegho mutendeke nokubha akufimbululile kukumumanya nyene,aleke kubha menso ghobhe ghalangasibhwe aleke ubhumanye bhukulu bhwa kwisigha bhwakukabha ghakakwitila, nokubha ukobhole kumanya ghagho ghoonse ghalikupatikana bhule kumobhe kuhitila nsila jhyeke Kiliisito, Amina. Feefi fyolikwijhigha filokufunanila kusumbula mekasi mahya kuhitila kwa Jheesu Kiilisito. Ku bhuli bholi kwijhigha, jhililika kusoma Bhibhilia jhyobhe no kwijhigha Maghambo masila kanyanyala ghwenyene.

Nsweele kubha sikula sili mukati mumwajhe,silohindulula no kukobhola usiipya nyinambele jhobhe kukujhikanyia ne mitontelo jhya Ighambo lyeke Kabhumba.

Kabhumba akupambulile nkana,kuhitila isiina lyeke Jheesu, Amina.

Mchungaji Chris Oyakhilome

# BHWENE BHUJHIKENYIE NOGHWE

Ughwe ni kusumba mutumba gholinagho. Ughwe ni kusumba sintu syakukabha sibhikiile fintu fingi mukati jhyobhe (msigho jhya kukuswesya kulola,kuhulika, kukumya,kusooma no kuhulika isu). Mukati mumobhe, muli sintu syakukabha kubhwene ni sikulu nkana kusumba mutumba ghoobhe.Ni mwegho ghobhe ghwa bhuntu,gho bhwene bhwa kumobhe.

Bhuntu bhwa mukati ni bhulya bhwakukabha Bhibhilia jhibhutensile mu sitabhu sya 1 Petro 3:4 "Tukubha bhusogha bhwenyu bhuhenselwe kufuminkana na bhuntu bhwenyu bhwa bhwene,bhusogha bhusikobhiha bhwa bhutendeke no bhutekaane bhwa mwegho,bhwakukabha ni bhakusiimwa nkana hambele jhyeke Kabhumba..."

Mutumba ghwa muntu mukubha ghwafwa,mwegho ghwajhe teghukofwa. No kubha akojhililika kubha kobhe tilya bhwakabhele bhupanga nasyali kufwa; tyakotagha sintu syosyonse tukubha akobhulwa managha ghakwila gha kwila ighambo lyolyonse mu bhwelelo bhobhu bhwa mutumba. Mutumba ghwajhe ghukobhwele kubha ghwafwa,tukubha muntu ghwa bhwene ghwa mwegho akojhililika kubha na kumanya konse kobhe kwakabhele nako nasyali kufwa.

Mu sitabhu syeke Luuka sula jhya 16,Jheesu Kiilisito alikutendelela lughelo lwa bhantu bhabhili bhakabhele bhakafwa. Ghwa kusumbula akabhele ni mupina kabhili museeghi ajhitilweLasalo. Ne lyakukunga haha te bhupiina no bhuseeghi bhwajhe ,tukubha hamwi no bhupiina bhwakabhele nabho akabhele na mwegho mutendeke. Mukubha ghafwa,ghakatwalwanga nokujheghamisibhwa mwi itundu lyeke Bhulahimu. Muntu ghwa bhubhili nagho ghakafwanga Muntu ghogho akabhele mutunsi hanu habhwelelo,tukubha teghakekalanga mekasi matendeke.

Tukubha umanye mukubha ghafwa,mutumba ghwajhe ghwakasikwanga mubhulongo,tukubha Jheesu ghakatendanga mukubha nali kusimu,ghakabhusyanga menso ghajhe no kumulola Lasalo nali mwitundu lyeke Bhulahimu no kubha ghakamunyanga. Jhejhi jhilikulansya kubha akabhele nasyali nakobhwele kulola.Kabhili ghamwita Bhulahimu no kumubhalila, "Ndikuseegha unfunanile!" Ubhwene kubha akabhele nakobhwele kusahula. Bhulahimu

nagho ghakamuhiindulanga no kubha ghakakobholanga kuhulika silongo syeke Bhulahimu,jhilikulansya kubha akabhele nagho managha ghakobhola kuhulika .

Muntu ghogho mutunsi ghakajhililikanga kutenda kubha akabhele nabhwene silaka,no kubha te silaka bhuhela kabhili akabhele nalikusamba. Nonwe ghakaseghanga ghabhala, "Ndikukusegha muswesye Lasalo ajhise ampe itanta lya mansi inhosye silaaka syane." Ne haha hali ighambo lindi lya kumanya,ni ghalya masala ghwabhele nagho gha kumanya.

Masala ghajhe ghonse gha kumanya akabhele nali nagho. No bhwene ghakamanyanga singa tukwisukila maghambo gha kunyuma gho syakamusulanga kutenda, "Ndikukuseegha umulaghiile ghumwi mu bhaghwelaghu bhakafwa ajhe akatangasye mubhwelelo akabhatangasisye bhamughana ghwane." Ghoghu akabhele na bhamughana

ghwajhe bhatanu habhwelelo,ku teetyo ghakalanganyianga kubha, 'Fikobholeke kobhe muntu ghumwi ghafuma mu bhantu bhalifwa, ghaajha kumwabho bhalomwisigha.' Ghakabhesukilanga bhamughana ghwajhe!

Leli likulangisye kubha ti mwegho ghwa muntu ghukojhililika kubhaho. No muntu kobhe ghafyalwa bhuhya ni mwegho ghwajhe ghukobha ghwafyalwa kabhili!

# Mu sitaabhu sya Bhakolinto 5:17-18 (NKJV) tubhaliilwe,

"Muntu ghoghonse kobhe ghalipampika kwa Jheesu Kiilisito akobha mwana muhya,maghambo ghalya gha kale ghakahita,akololeka kubha muhya. Ghonse ni mulimo ghweke Kabhumba kanya kutusanyia ufwe no nyene kuhitila Jheesu Kiilisito no kutuha mulimo ghwa

kubhasanyia bhantu najhe."

## Ughwe Nonwe Ghwakafyalwa Bhuhya

Nonwe kubha ti ghwakafumya mekasi ghobhe kwa Jheesu Kiilisito no kubha ghwakamwila kubhako So Bhusya ghwa mekasi ghoobhe,ghwakahinduluka no kufuma mokabhele mukusumbula. Ku kunse ulojhililika kuloleka kobhe bhokabhele mukusumbula, tukukubha kumukati ughwe ni muntu muhya. Ne teeti bhojhibhasile Bhibhilia.Ughwe te kobhe mwana muhya 'bhuhela, tukubha ni mwana muhya' – mwana muhya ghwakukabha

tyakabheleho haho habhusumbulilo (2 Bhakolinto 5:17).

Te kubha ti ughwe ghwakajhojhisibhwa bhuhya,ajhe ghwakajhunjikanyisibhwa, ughwe ghwakambumbwa bhuhya, muntu muhya kumujhaghumwi. Singa tu teetyo, bhwene bhwa kubha ti ughwe ghwakabhumbwa bhuhya ku bhuntu bhwa mukati, tebhulikulansya kubha ti kukunse ughwe ulikuloleka bhundi. Kobhe nokabhele ne nyele ntofu sibheghilwe mukusumbula mukubha nosyali kufyalwa bhuhya,singa nonwe silosiibha ntofu tetyoe. Ulosiibha na mulimo ghoobhe ghoghoe,bhamughana ghobhe bhalayae ne bhafikanyi bhalyae.

# ULI KOBHE NFUME JHYEKE KABHUMBA GHWANASUSANA NAJHE!

Kukufyalwa bhuhya,Kabhumba ghakakuha managha ghakubha mwanajhe (Jhohana 1:12). Nfume jheke Kabhumba jhyakabhyalwa mu mwegho ghobhe ghwa bhuntu. Ghwakabha na mekasi mahya; mekasi gheke Kabhumba ghakukabha Jheesu Kiilisito ghakagheela ghapatikane ku muntu ghoghonse amwisighile. Ughwe ghwakabha bhujhakumwi ne nfume jhyeke Kabhumba (2 Petelo 1:3-4).

#### Kabhumba nonwe ni so! Ku bhuti?

Nfume jhikofyasilisibhwa kabhili jhikofyalwa; ghofitumile mbwa jhikofyala mbwa. Jhohana 1:12-13 jhibhasile, "Tukubha bhantu bhonse bhakukabha bhamusanganila no kumwisigha, bhaabho ghakabhēlanga kubhako bhaana bheke Kabhumba. Bhaabho ni bhaana bheke Kabhumba, te ku kufuuka ku mbuto jhya bhantu, ajhe ku kuteha kwa muntu, tukubha Kabhumba ghakabhelanga kubhako bhaana bhajhe nyene"

Kabhumba ali bhujhakumwi noobhe kobhe mufyasi nobhe. Ughwe ni ghumwi mu bha munyumba jhyajhe, nooghwe uli muntu ghwa mwighulu kulya kwali nyene.

Kabhumba alikukujhyukila. Alikukuha fintu fyonse fyolikusamba kukujhikanyai no bhuntunsi bhwajhe bhukulu bhwalinabho kuhitila mpunda jhyeke Jheesu kiliisito (Bhafilipi 4:19). Ali na ghakulanganyia masogha kuluhande lwa mekasi ghobhe,ghakukabha ghalikujhojhesya mukubha nosyali kufuuka bhhya. Leli ni ighambo isogha nkana kumobhe. Ghakakuha bhupanga bhobhu bhuhya aleke ukobhole kubha bhujhakumwi no mughana ghwajhe ghwa bhwami bhwajhe.

Bhibhilia jhitensile kubha Kabhumbaghakakuha bhupanga bhwa nfuku syonse. Bhobbu ni bhupanga bhuli mukati jhyeke Kabhumba,bhwakukabha bhulikumwila unyene kubha kobhe bhwali. Bhupanga bhoobhu gho bhwakasulanga lulalo lupotwe kumunighilila Jheesu Kiliisito.Bhobhu ni bhupanga bhwa kusyuka no bhupanga bhoobhu nonwe bhuli mukati mumobhe!

"Kutembekesya kooko gho kooku, Kabhumba ghakatuhekesya bhupanga bhwa nfuku syonse, no bhupanga bhoobho twakabhupata ku kumwisigha Mwanajhe. Muntu ghoghonse ali na bhujhakumwi na Mwana ghweke Kabhumba, ali na bhoobho bhupanga . Tukubha asili no bhujhakumwi no Mwana ghweke Kabhumba, ghoogho tyali na bhoobho bhupanga. Naminyeghela maghambo ghaagho, umwe bhakukabha mumwisighile Mwana ghweke Kabhumba, aleke mumanye kubhala ti muli na bhupanga bhwa nfuku syonse ." (1 ]hohana 5:11-13).

Ni ku ghulya bhuhela ali no Mwana ghweke Kabhumba mukati mumwajhe, ghwanapata bhupanga bhobhu bhuli ukati jhya Mwana ghweke Kabhumba. Muliima lyakukabha ghwakamupokeelanga ghwakapokeelanga no bhupanga bhobhu.

Bhupanga bhobhu bhulikukufuna kughola mabhi gholikusangaana nagho. Bhuli kukubhika halughamba nfuku syonse, no kubha jhililika kwisukila ighambo lelyo! Kabhunga tyanakobholeka kubhihiisibhwa ajhe kupootwa. Nonwe ulinabho bhupanga bhwajhe: tefinakobholeka kupootwa ajhe kubhihiisibhwa,kubhukohela mwegho ghulyae ghakamusyulanga Jheesu Kiliisito,gho ghoghoe ajhikele mukati jhyobhe! (Bhalumi 8:11).

## UGHWE ULI MUTENDEKE HAMBELE JHYEKE KABHUMBA!

2 Bhakolinto 5:21 jhibhasile, "Kiliisito tyakabhele na bhubhi,tukubha Kabhumba ghwakamwilanga abhe na bhubhi kuli ufwe,aleke ufwe kukwipampika najhe tulole mukubha bhujhakumwi na Kabhumba."

Langanyia kubha Kabhumba alikwila silya syonakobhola kusijhita ko 'kubhyala kwa nfuuke' Ghakamwilanga Jheesu kubha ko bhubhi (jhyakukabha ni mpeesi jhya bhubhi) kuli ufwe,aleke kubha twilwe kubha ko bhatendeke bheke Kabhumba mukati jhyetu.

Sesi gho syakasulanga fikobholeke Jheesu kufwa lilufu lya kanya mubhi kuli ughwe. Silonsile ni kubha nonwe unakobhola kuhaghalala ha mbele jhyeke Kabhumba kobhe no sili na kanyanyala,bhoobha ajhe keghonde (Bhahebhulania 10:19, Bharumi 5:1).

## GHWAKALOLEKA KUBHA KANYA BHWENE!

Jhilikulansya si kobhe ghwatenda kuloleka kubha kanya bhwene? Jhilikulansya kubha toli na bhubhi .Kubhukohela Kabhumba alikukufunanila ughwe, kute tetyo tonabha na bhubhi bhobhonse.Bhibhilia jhibhasile, "Nonwe ku tetili bhotwilitwe kubha bhatendeke ku kukwisigha,kansi tulinako kwisigha kwa kumwisigha Kabhumba kuhitila Sifwe Jheesu Kiliisito:" (Romans 5:1). You've been justified!

(Bhalumi 5:1). Ghwakaloleka kubha kanya bhwene!

Jheesu ghakahekanga kubheghwa kahunga kukujhikanyia no bhubhi bhoobhe halya hoghakabhanga ghafwa hamusalabha,singa tubhukohela bhwasibhele na bhubhi bhobhonse (1 Petelo 2:22). Ne teti ghofilikusula Kabhumba tyajhililike kunighilila bhubhi bhobhe.Bhibhilia jhibhasile,

"Gho kubhala: Kabhumba ghakabha nalikubhusanyia bhwelelo kuhitila kwa Kiliisito,bhusila kukunga nkana bhubhi bhwabho bhantu. Unyene atuhele sikula kujhikanyia no kubhasanyia bhantu naajhe." (2 Bhakolinto 5:19)..

#### GHWAKAFULWA!

Nonwe tulanganyie ku dakika jhimwi kubha ti ghwaghwila muliina,ghwabha na matete no muntu ghumwi teeti ghajhisa mukukusabhula no nyene ghakufumya muliina." Ighambo lya bhubhili lyolojhila ni kuhaghalala no kusumbula kwisunga. Ku katendeleo kandi, "Liina na lifume kumobhe" lelyo lilotwala ikunka ikulu no kumanagha makulu.

Ku 1 Bhakolinto 6:11 jhibhasile

"...kundi nonwe

mwakasungwa, mwajhilwa bhabhila kanyanyala, no kwilwa bhatendeke no kusanyisibhwa no Kabhumba kwi isina lyeke Sifwe Bhusya Jheesu Kiliisito no ku Mwegho ghweke Kabhumba ghwetu."

Kufulwa kuli namptuka ibhili: Kabhumba akokufumya muliina,kulansya kubha ti ghwafyalwa bhuhya lwendo lumwi,ne Bhibhililia jhikwitile kubha ti ghwafulwa, ghwapampulwa na kajhilo kajhilo kabhi kahabhwelelo kuhitila kwa Kabhumba. Kabhili, lihenselwe liina likufumeko ku mutumba ghoobhe kukufumya ghakulanganyia ghoobhe kujha kuluhande lwa kujhilwa bhuhya kuhitila Ighambo lyeke Kabhumba (Bhalumi 12:2).

Kujhilwa bhuhya kulanganyia kobhe ni sintu sijhililike.Ghwaghesibhika masala ghoobhe,ghwaghaswesya masala ghoobhe kulola nsila nsila jhyeke Kabhumba.Haaho ulotenda maghambo gheke Kabhumba,nsila jhyeke Kabhumba na ghalya gholikupata kufuma mwi Ighambo lyajhe.

#### GHWAKASABHULWA!

"No kukusangabhala musiime Kabhumba ghakasula mukobhole umwe kubha na simanya syenyu mu ghalya ghoghakabhabhikiila bhantu bhajhe mu bhwami bhwa ilangasi. Unyene ghakatusabhulanga kufuma ku managha gha sikolo, ghatuleta bhupanga mu bhwami bhweke mwanajhe ntone:" (Bhakolosai 1: 12-13).

Kufuma mu liima lyoghwakafumyanga

mekasi ghobhe kwa Jheesu Kiiliisito,ghwakabha muhemba ghwa bhwami bhweke Kabhumba. Hatuhu limusagha kufuma kusimu linabha lyajhisa lyakwibhundako telinakobhola kukufulasya nonwe. Ghwakahambululwa kufuma mu kalaghano kokonse kokabhele ghwakengiila,kukumanya ajhe bhusila kumanya. Ghwakahambululwa kufuma mu nsembo jhyojhyonse,bhubhi,malwele ajhe bhulwele bhwakukabha bhukabhele bhukunighilile.Ku bhuti? Ku bhukohela ghwakasabhulwakufuma mu managha gha sikolo!

Bhibhilia jhibhasile kubha Kabhumba ghakakusabhula kufuma mu managha gha sikolo no kubha ghwakengibhwa mu bhwami bhwajhe. Tuhenselwe kusupa kabhili. Kabhumba gho mukemi ghobhe, menso ghaajhe gha kukulalilila ghakukungiile na kale (Sabhuli 23:1).

Bhibhilia jhibhasile kabhili: "Mwana

ghweke Kabhumba ghamihambulula kufuma mu bhubhi bhwenyu, temulakubha bhasya kabhili, mulakubha bhantu bhanana fyene." (Jhohana 8:36). Kabhumba ghakakusabhula no kukwingisya mu bhwami bhwajhe.No koko koli nonwe,no koko gho kumobhe.No nonwe ghwakasabhulwa kufuma mu managha gha sikolo. No kubha umanye kubha leli likabhele ni ikunka lyalihita nonwe ughwe ghwakabhulwa kufuma mu managha gha sikolo!

Luhande lundi lukulu nkana mu mekasi

# Mwegho Ghweke Kabhumba Ghuli Mukati Mumobhe!

mahya ni kubha Mwegho ghweke Kabhumba ghulikwisa no kwikala mukati jhyobhe. Mukubha Mwegho ghweke Kabhumba nalikwikala mukati jhyobhe, akokulafisisya ilangasi kuhitila Ighambo lyeke Kabhumba, no kukuha masala mahya gha kumanya Ighambo lyajhe. Mukubha nolikwijhigha Bhibhilia, ulopata masala mahya mu mwegho ghobhe, no kubha ghalokufunanila mu mekasi ghoobheB.

Lindi lyakojhila Mwego Mulafu

#### nikukwisukisya Ighambo lyeke Kabhumba

Tukubha Mwegho Mulafu ghweke Kabhumba alomiisila, alomiha managha, nomwe mulokabha bhakalola bhaane mu Jhelusalemu, no mu Jhudea monse, no mu Samalia mpaka ku bhuhela bhwa bhweleelo. (Milimo jhya mintengwe 1:8).

Kufyalwa bhuhya tekunasula ughwe

## Ulikwila si kobhe ...

#### GHWASUMBULA KULANGANYIA MABHI?

usighemwi,kutetyo uhenselwe kubha menso aleke kughemwa kusikusumbi. Bhibhilia jhitubhalile kubha ikunka lyonse tunaghemwa,Kabhumba liima lyonse atuheele nsila jhya kufughutuka (1 Bhakolinto 10:13).

(1) Jhisukila Kubha Ughwe

### GHWAKABHUMBWA BHUHYA

Ghakulanganyia ghagha ghalikukwisila kobhe managha gha kunse, ghakulanganyia ghagha ghalikukwisilakufuma kwa syetani. Managha ghagha teghakojhojhisibhwa kufuma mumwegho ghobhe,no nonwe ughwe ghwakafyalwa bhuhya. Bhibhilia kubha ti ufwe (bhakukabha ni bhahemba twakafyalwa bhuhya) (1Bhakolinto 2: 16). Uhenselwe kumanya ti nonwe ughwe ghwakafyalwa bhuhya! Kabhumba alikutuhensa ikunka lyonse twisukile kubha ti ufwe twakabhumbwa bhuhya,no kubha ghakatuha bhuhya.No bhupanga bhobho bhuhya gho bhuhenselwe kubhwisigha.

### (2) Lyata mu bhutendeke

Mutikisye Kabhumba! Natulanganyie kubha ghakulanganyia mabhi na kajhilo kabhi kalikukwisila.Ghakulanganyia mabhi ghabha makulu nkana kumobhe aleke wile ighambo ibhi; na handi ghwanela lelyo ibhi. Tukubha hahoe ghwajhisukila kubha ti ughwe ghwakafyalwa bhuhya,uli muntu muhya,no bhwangu ghwapata managha gha kulitendenkela hale ighambo lelyo ibhi.

Mutikisye Kabhumba! Manya kubha kufyalwa bhuhya tekulikulansya kubha ghakulanganyia mabhi teghanakwisila,tukubha ighambo ikulu lyakwila nighwe kubhula kughaswesya ghagho mabhi ghakwibhunde ughwe mumwegho ghobhe. Muntu ghumwi ghakabhalanga, 'unakobhola kughatunyia manyonyi ghasighuluki mwighulu,no kubha unakobhola unaghatunyia ghasijhojhi bhwisa!'

Tukubha tolinamanaagha bhwa kutunyia ghakulanganyia ghagha kukwisila kubhukohela ghagho ni managha gha kunse, tukubha unakobhola kughela ghagho gha kulanganyia ghasikali mumwego ghobhe. Usileki gha kulanganyia mabhi ghapate mekasi mukati

mumobhe,usighaswesi kukwikalila.Tukubha syakwila nikughatunyia kukulanganyia maghambo ghali masogha (Bhafilipi 4:8).

Fikobhwele fyabha ughwe ni mukinyi ghwa ngoma mulubhungu,unakobhola kusanga ulikuhensa usahe kobhe mwanamukeema.no kooku ughwe ni mwanamughoosi. Unafwala nkanjo,ghwajhojhya nyele sya sikeema,ghwasahula no kujhigha kobhe mwanamukeema, tukubha kubhuhela bhwa ngoma jhisukila kubha ughwe uli mwanamughoosi. Ulofuma mulubhungu ghwajha mukuhindulila myenda jhyobhe ne kabhili ulohela kulugho kobhe ukale. Mukubha nolikwijhojhya mulabho jhumatatu kujha kumilimo,nosilabhilili kubha ti ughwe ni mwanamughoosi. Ulojhikalaa kobhe mwanamughoosi no kwila maghambo gha sighoosi.Filobha ni fya nsonyi kobhe ghwajha kumilimo,ghwajha kusahula no kwijhila kobhe mwanamukeema kobhe tilya bhokabhele mulubhungu bhufuku bhukahitile.

Ighambo leli lilikwisa kumobhe nonwe. Ghwakelanga maghambo mabhi mukubha nosyali kufyalwa bhuhya,tukubha nonwe ghwakafyaalwa bhuhya.Mekasi mahya ghagho gho ghahenselwe ughekale nonwe teeti. Ghwakabha noli kukina kobhe mwanamukeema. kwi ikunka ilehe no kulindi ikunka ghwakelabhilila no kusangana nolikwifa fintu no kujhigha. Tukubha ghwajhisukila kabhili kubha ti ughwe ni mwanamughoosi mukwile kundi ghwalitekanyia. Ghwaghungulila kukutenda, "Aah, Une nsili mwanamukeema;nsili mulubhungu mukusaha ngoma;Sihenselwe inansye bhughoosi bhwane!"

Jhejhyo gho nsila jhilokufunanila kwighalila ghakulanganyia ghobhe mabhi kukwisila. Libhalile, "Kunga nankafyalwa bhuhya. Jhejhyo gho nfuke jhyane!" Singa ghwajhisukila kajhilo kobhe kubha ghwajhisukila tue Libhalile!, "Nnkafyalwa bhuhya"

Usiswi bhubhi bhujhililike kukuniengela,no kubha usiloli nsonyi kumubhalila muntu ghoghonse aloleke anakobhola kukuhelesya mu kajhilo kako kubha, "Oh,Nfwile sighongo nsinakobhola kwila ighambo lelyo kubhukohela nankafyalwa bhuhya ." Fumya kajhilo kabhi kukuhindulula kujha mu kajhilo kasogha.

## (3) UBHE ULIKWILA IGHAMBO IGHAMBO BHOLIBHASILE!

Kabhumba tyahensile ufwe kubha bhahulikisi bhuhela,tukubha na bhakosi bhe Ighambo:

> "Musibhi mulikwitebha! Musibhi bhantu bhakukabha mulikuhulikisya bhuhela Ighāmbo lyeke Kabhumba, tukubha mubhe bhantu bhakukabha

mulikwīla bhuli Ighāmbo bholitensile. Muntu ghwakukabha nahulikiisye Ighāmbo lyeke Kabhumba, tukubha ghalēka kwīla kobhe bhuli bholitensile, ghoogho asuseene na muntu ghwakukabha nalikwikunga mwi ilole. Kubha ghahwa kwikūnga, ghafuma ha ilole, haaho na haaho akolabhilila bhuli bhwali." (Jhakobho 1:22-24).

Unabha mukosi ghwe Ighambo halya honabha ghwajhisukila Ighambo no kulikosya kobhe bhofihenselwe.Ne nfuku syonse ulolisukila.Ghagho ni mu ghalya ghwakojhila Mwegho Mulafu mukati jhyetu. Yesu alisema, "Tukubha ghwa kumifuna, ghoogho Mwegho Mulafu ghwakukabha Taata alomulaghila kumwenyu kwi isiina lyane, alomilangulula no kumisukisya ghonse ghonkabhele nendikumilomba" (Jhohana 14:26).

Musiime Mwegho Mulafu ali haha;Alikukufunanila kwisukila Ighambo!No nonwe kobhe ghwalijhisukila Ighambo, likosye mulimo.Nosisambi kuluhande lwa kulisukila,Mwegho Mulafu alikulileta mu msala ghobhe.Tukubha nfuku syonse ubhe noli menso kumutikiisya halya hwalobha nali kukulangula bhwene mu masala ghobhe.

### (4) Tembekesya Kubha Bhubhi Tebhulikupata Mwengulo Ghwa Kukusunga

Jhisukila ighambo limwi:Ghakulanganyia mabhi na kale teghali na managha gha kukwibhunda no kukusunga tukubha kubha ghwaghaswesya ghele tetyoL.

"Kubhukohela bhubhi tebhulokakonke kabhili...." (Bhalumi 6:14).Bhubhi bhusikusungi . Musipati managha kuluhande loobhe,Kubhukohela ughwe toli hefo jhya

kabhango tukubha helo jhya bhutendeke.Ne sesyo ghosibhasilwe ne Bhibhilia jhyobhel.

Kabhumba ghakakusabhula kufuma ku managha gha bhubhi,no kukubhika mu bhwami bhwajhe:

"Kukusangabhala musiime Tata, ghakamifunaniila umwe kubha luhande lwenyu kuhitila mu ghalya ghoghakabhabhikila bhantu bhajhe mu bhwabhi bhwajhe bhwe ilangasi. Unyene ghakatusabhula kufuma ku managha gha sikolo ghatuleta bhupanga mu bhwami bhweke Mwanajhe ntonei:" (Bhakolosai 1:12-13).

Ne tetyo bholi nonwe,ughwe ghwakabha mwana muhya. Fefyo gho filikusula managha gha sikolo teghalikukukobhola;ghagho gha kale ghali mu bhwami bhwa bhubhi,tukubha ughwe uli mu mekasi gheke nyene Kabhumba, ghasikopatikana na bhubhi. Ku tetyo ubhene tunakobhola kabhili kukemwa na bhubhi.

Bhakolosai 1:14 jhitensile, "Kuli nyene twakasambulwa,kukuhitila malaso ghajhe no kuhebhwa kulesibhwa bhubhi." Mukati jhyeke Kiliisito tulikulesibhwa

Leeli ghe ikunka lyetu lwa kubhunganyia. (Bhaefeso 2:5-6). Ni fisogha kunighilila bhukamanya bhobhu bhwa Ighambo lyeke Kabhumba no kubhusangabhalil.

Nonwe ghwakafyalwa bhuhya,ni

# UNEELA BHUTI KOBHE BHANYWANYI ...

BHOOBHE BHAKALE BHASUMBULA KUKWIHAGHA MWEGHO?

mughana muhya. Ughwe kabhili te mughana ghwakukabha ghwakelanga kale ku nsila jhilyae. Teti tejhilikulansya kubha ti uhenselwe kubhaleka bhanywanyi bhobhe bha kale no kubha usumbule kutuna kuha bhujhakumwi nabho. Uhenselwe nonwe kubha ilangasi kumwabho, kubhukohela bhene bhasyali mu sikolo, kubhukohela te bhali na Jheesu Kiliisito mu myegho jhyabho. Jhisukila kubha ti ughwe ghwabha ilangasi lyeke Kabhumba kumwabho. Bhanabho nonwe mukwijhigha no kulimanya

Ighambo Iyeke Kabhumba,aleke nagho bhalole kumulonda Jheesu.

Ni ghambo si lyohenselwe kwila halya hobhalikuhensa kukwihagha mwegho? Bhibhilia jhibhasile kubha, mu nfuku sya kubhuhela kulokesa bhamakota bhengi bha malami,bhakukabha bhalokela mabhi ghobhalokabha bhalanganyia no kutenda fibhi bhwene bhweke Kabhumba (2 Petelo 3:3-4).

Bhamakota bha malami ni bhalya bhonse bhalikughema kukwihagha mwegho no kukuhelesya ku mekasi ghobhe ghalya gha kale,tukubha uhenselwe kutuna kughemwa nabho. Tuna bhasikwingisisi fintu fihya mu mekasi ghoobhe ghakukabha noli na Kiliisito. Tuna kutambwa kujhelekela luhande lwabho. Nosiswi malangululo ghabho,tukubha jhililika kunighilila nsila jhyobhe kuli Kabhumba ne Ighambo lyajhe.

### KUHAMBILWA LUKUSA HAMWI BHUSILA KULINGANA

Mu nfuku sya kusumbula kwi ilima lya linonwe,kanya kulima akabhele kete ghahamba manywele abhili kulukusa, Manywele ghagho ghakobhwele ghabha sihongo ajhe masili abhili gha ng'ombe ghahambilwa nfuka jhya kulimila. Manywele ghagho abhili ghakabhele keteghalima ku hamwi. Kubhukohela ghakabhele ghahambilwe lukusa lumwi,na manywele ghaagho ghakabhele ghalikukola mulimo hamwi no kujhelekela luhande lumwi. Kanya kulima akabhele kete ghaghalombolela ghonse no kubhaghakabhele kete ghajha luhande lumwi loloe,kwi ikunka lyonse lvoghakabhele ghahambiilwe lukusa lumwi.

Nonwe abhili ghagho kobhe ni vihohngo,kansi kunajhitwe kuhambilwa lukusa hamwi kwakukabha kulingeene, tukubha kobhe finabhe kubha inywele limwi ni sihongo ne lindi ni ng'ombe kansi finabhalwe ni kuhambilwa hamwi kwabhusila kulinganila,kubhukohela ni manywele abhili ghasisuseene. Kansi kobhe tulikuhensa kuhambilwa lukusa hamwi kwakukabha kulingene ihilikuhenselwa fyabha mukiliisito ku mukiliisito, bhabha bhanakobhola kulyata bhujhakumwi. Tukubha kubha mukiliisito na sili mukiliisito bhahambilwa hamwi kansi bhabho bhalakubha bhahambilwa lukujsa lwabhusila kubhalinganila. Kabhumba abhasile, "Musijhikanyi hamwi na bhantu bhabhusila kwisigha. Teti bhubhi no bhusogha finajha bhujhakumwi?Teti sikolo ne ilangasi finekala hamwi? Kiliisito anekala hamwi no syetani? Muntu alisighile anabha na bhunywanyi na muntu ghwabhusila kwisigha?" (2 Bhakolinto 6:14-16).

Ku tetyo ubhwene kubha ughwe no

muntu ghundi gwabhusila kwisigha muli hamwi bujhakumwi,mwajhikala mekasi gha kususana, haaho umanye kubha ti uhambilwe lukusa lwabhusila kulinganilwa,leeli te sogha. Kabhumba tyahensile ughwe kubha luhande lwa kuhambilwa lukusa lwabhusila kulinganilwa,tukubha ahensile uhambilwe lukusa lwakukabha ni lwa kulinganilwa na bhakiliisito bhenobhe,hakukabha mulikwila fintu fyakukabha fisuseene. Bhantu bhakukabha bhasili bhakiliisito tebhanabha bhanywanyi bhoobhe. Singa ghabha nali bhuti ghogho muntu sya kukunga ni kubha tyafyelwe bhuhya,kansi ghogho tyanabha munywanyi ghobhe musogha.

Tefinaswa no kubha tefihenselwe hambele jhyeke Kabhumba,kubukohela ni kobhe kuhambilwa lukusa lwabhula kulinganilwa.

Fyakabhanga Kabhumba ghakamulaghilanga Samweli kujha kulugho lweke Ihese mukumusiigha mafuta mwanajhe ghumwi aleke abhe mwami ghwa Bhesilahelil(1 Samweli 16:1-13). Mukubha Samweli ghamulola mwana ghwa nyinambele ghweke Jhese, akabhele najhitilwe Eliabbu Samweli ghabhala, "Kubhwene ghoghu gho Tata Bhusya ghwahensile imusiighe mafuta," Kubhukohela akabhele muhamu, mulehe ghanabha musoghankana. Tukubha Kabhumba ghamubhalila mughwelaghu,, "Usimusiighi mafuta ghoghu kubhukohela nsimuhensile." Kundi ghabhala, "Kubhukohela muntu akokunga fintu fya kunse,tukubha So Bhusya akokunga mwegho, akomukunga muntu kumukati."Kutetyo kakungilo kobhe ku muntu ghoghonse ulokunga kajhilo kajhe,katendeleo,kakungilo na kajhvatilo,no kumuswa kubha ti ghoghu ni musogha, tukubha kunga Kabhumba akokunga kumukati.

Ghulya ghwakukabha nasyali kufyalwa

bhuhya tyanakobhila kubha na mwegho gheke Kabhumba. Nsila nsogha jhya kumusula muntu alvate mu nsila jhyeke Kabhumba ni kufyalwa bhuhya. Ne leli gho liima isogha bhuhela linasula muntu ghundi kubha munywanyi ghobhe bhuhela. Ni halya bhuhela hwalobha ghafyalwa bhuhya,gho haho hofinabha fyakobholeka no kobhe ghabhula kwila tetyo,tyanakobhola kansi kubha na nsila jhyakumusula abhe mutendeke. Nonwe ughwe ghwakafyalwa bhuhya, kanokonoko kobhe kabhe ni kwikala mekasi gha kumulyahya Kabhumba, kumtetyo usikungi nsila sya kumobhe bhuhela.Leli ni lya kutembekesya nkana.Ghubhike mwegho ghobhe kwa Kabhumba no nyene alokulola(1 Bhakolinto 10:13).

## UNELA BHUTI KOBHE KUSAMBA ...

Kukulu Kwakwisila?

Mu sitabhu syeke Maliiko 4:1-9, Jhesu ghakatubhalilanga lughelo lwa mubhyala mbuto. Muntu ghogho ghakajhanga mukubhyala mbuto syajhe,mukubha sindi syakahonelanga ku mabhwe,sindi ku bhulongo bhukaka,sindi mu menfwa ne sindi ku bhulongo bhusogha. Ku misitali jhya 16 ne 17, Bhililia jhibhasile,

"Bhandi bhasusene na bhulongo bhwa kwi itandala. Bhakolihulika Igha**I**mbo lyeke Kabhumba, bhakolipokeela bhwangu bhasangabhele. Tukubha bhobhasusene ne mbuto jhisila misi, jhikojhīkala
mafuku mase. Kubha kwajhisa kusamba
ajhe kusanfisibhwa kujhikenyie ne lilya
ighambo, haaho bhene hobhakoleka
kwisigha".

Unyene alikusahulila kuluhande lwa bhantu bhakukabha tebhali na misi mumyegho jhyabho, no bhukonde bhwabho ni kwi ikunka itofu. Alikubhala singa tu bhantu bhaabho bhobhalibhwangu kulipokeela Ighambo lyeke Kabhumba,kusamba kukulu kobhe kwajhisa kukujhikanyia no kulilonda Ighambo lyeke Kabhumba,kansi bhakofwa mwegho no kuhelela kunyuma. Leli lyakaloleka ku bhantu bhengi mu ufwe.

Sintu syalikubhala Jheesu haha ni kubha kuli bhantu bhengi bhakukabha tebhali na kuteha kwa bhwene. Bhalikutambwa tue ne Ighambo lyeke Kabhumba kubhukohela lilikubhabhalila bhupanga bhwa nfuku syonse, kusangabhala kubhukohela bhalikuhindulwa kutendajhuka kwabho,tukubha bhwene tebhali na kuteha kweke Kabhumba mu myegho jhyabho. Leli lilikuleta bhulanda nkana! Kubhukohela kusamba kukulu kobhe kwajhisa,syohenselwe kwila ni kujhililika kulonda silya sitensilwe mwi Ighambo lyeke Kabhumba:

### (1) UBHE NOMUTEHILE NKANA KABHUMBA

Kabhumba ahensile ubhe ughwe ubhe nomutehile nkana kabhili kuteha kusiipe. Kuteha kukobhwele kusooka ajhe kughungilika.Syohenselwe ni kumulanganyia nyene no kuhulikisya Ighambo lyajhe,no kubha bhujhakumwi najhe kuhitila kutendajhuka,kulansya kuteha kukulu

kumwajhe,kubhukohela kuteha kukoghungilika kuhitila kukuhitila kubha habhwihi najhe. Bhuhehi bhukulu bhwakukabha noli nabho kwa Kabhumba,gho kuteha bhokulikughungilika. Bholikughungilisya kuhulikisya Ighambo lyajhe,gho bhuli bholikusunfya kumumanya no kumuteha,na haho ulomupokeela kubhukulu nkana.

Mukubha nolikubha no kuteha kukulu kwa Kabhumba,gho bhuli ne Ighambo lyajhe bholilikumesya misi mumwegho ghobhe,no kubha kobhe ghwasangwa na lyolyonse,ulojhisukila simanya syeke Kabhumba no kubha unakobhola kubhutangasya bhukulu bhweke Kabhumba ku bhandi.

Bhibhilia jhibhasile kubha bhupanga ne lilufu fili kumanagha la lulimi (Mitabhii 18:20-21), no kubha ghalya gholikutenda ghalikufuma mumwegho (Matajhu 12:34-35, 37). Kundi

kobhe ghwabhumbika mwego ghoobhe ne Ighambo lyeke Kabhumba,bhusila kukunga bholi,ulolola nsila jheke Kabhumba,singa maghambo gholobha nolikusahula ghalobha tetyoe.Na haho uloghola!

### (2) Usifwi Mwegho!

Tohenselwe kufwa mwegho halya ghakusanfya kubha ghakwwisila! Kufyalwa lwa bhubhili te kubha ti kusamba tekunakwisila,tefibhaasile kubha ti tunaghemwa. Sitensilwe ni kubha kubha ti kusamba kokonse ajhe kusamba kokonse kolosangana nako Kabhumba alokusabhula. Kobhe bhofili mu Sabhuli 23:5: "Ghanjojhesya mubhala hambele jhya bhantu bhakanya masola nane;

..." ghwajhisukila na bhakanya masoola naghwe,tukubha tobhalokwihagha:kusamba tekunabhihya mekasi ghobhe!

Kabhumba tyahensile ufwe

mweghoUhenselwe kubha musimu! Usikunki kubha ulikuhitila mu makaka ghahe,usifwi mwegho. Kabhumba alokusabhula, kutetyo usifwi mwegho. Jhililika kubha mutekaane kumwajhe,unyene tyanakutaagha ajhe kukuleka. Uloghola ku nsila jhyojhyonse mu mekasi ghobhe,kubhukohela ghagho ghahenselwe ghakusange.

Isajha 43:2 jhibhasile kubha ghwahita mu mansi toansyama, no kubha ghwahita mumulilo tonasigha.Mukubha nolikumulonda Jheesu Kiliisito mujhyukile ku mwegho ghobhe ghonse,mulonde bhusila kukunga kubha ti ulikuhita ha bhuti.

> "Tukubha tumusiime Kabhumba ghakatuha kughola kuhitla kwa Jheesu Kiliisito.Kansi bhamughana ghwane bhanywanyi haghalale musiipile.Jhili

like nkana kubha na managha ku milimo jhyeke Sifwe Bhusya,no koku mujhinsi kubha milimo jhomulikwila kwa Sifwe Bhusya tejhinatajhika bhusila mukoonko." (1 Bhakolinto 15:57-58).

"Ku bhukohela mwana ghoghonse ghweke Kabhumba alikubhuleka bhubhi bhwa ha bhweleelo. Bhubhi bhoobho, tulikubhuleka ku kwisigha kwetu." (1 Jhohana 5:4).

Ku tetyo ulolola kubha Kabhumba alikutufunanila kughola kuhitila kwa Jheesu Kiliisito,ku tetyo tetunagholwa. Ighambo leelyo halughamba lilikutendelela kughola kwa kubhughola bhwelelo,kwa kukabha ni kwigha kwa kumwetu. Twikale kukwisigha,ughwe ni kanya kughola te ghwakugholwa ghwakafyalwa

bhuhya aleke ulole mukughola,kubhukohela ghwakafyalwa bhuhya na Kabhumba.Ughwe ni nfuuke jhyeke Kabhumba,ghwakafyalwa kuhitila Mwegho Mulafu!

### Mwegho Mulafu Ali Naghwe.

Kufyalwa bhuhya ni kufyalwa na Mwegho Mulafu ghweke Kabhumba Bhakolinto 12:13, Jhohana 3:5-8). Ikunka Iyoghwakafyalwanga bhuhya, Mwegho Mulafu ali luhande loobhe mu mekasi ghoobhe ku tetyo uhenselwe kumumanya ni ghanyi ghonselwe kulonda no kulilonda Ighambo Iyajhe aleke likole mulimo mu mekasi ghoobhe.

Uhenselwe kumanya kubha ti ghanyi ghakaefumya kuluhande loobhe,aleke ulole kusangabhalila mekasi ghoobhe ghalikupatikana kuhitila Jheesu no kubha upokeele nsimano (1 Bhakolinto 12:8-10) (Luuka 24:49, Milimo jhya Mintengwe 1:4-8) jhilikufuma kumwajhe.

.

### MWEGHO MULAFU NI GHANYI?

Kobhe twasoma Bhibhilia tulikusangana mpola sijhikenyie no Mwegho Mulafu.

- Mu Kalaghano ka kale,tulikumulola nalikufumya mangha no kwila fintu fisinaloleke (Waamuzi 14:6, 19).
- Mu Kalaghano Kahya,tulikumulola nalikutendwa kobhe mufyasi,milimo ne mpuunda jheke Jheesu Kiliisito (Luka 4:18).
- Mwegho Mulafu alikuloleka kabhili Milimo jhya Mintengwe 2: 1-4 ku milimo jhya mekasi gha bhamintengwe bheke Iheesu.
- Nyene ni Kabhumba. Unyene ni ghwa bhutatu mu bhutatu bhwa bhusila

kanyanyala (Jhohana 14:16-17, Jhohana 15:26).

- Unyene akabheleko lisyali kufika liima (Sitabhu sya kusumbula 1:2).
- Unyene gho kalombo ghwa managha gheke Kabhumba.Mu katendeleo kandi unyene ni simanya syeke Kabhumba,ghwa kukabha alikukwisya syosyonse silya syalikutenda Kabumba( Sitabhu sya kusumbula 1).

### TE MWEGHO MULAFU...

Ne teti te kubha tiMwegho Mulafu te managha,musagha,mafuta,ajhe nkuundya kubhukohela kufuma mu Maghambo masila kanyanyala tubhwene nalikulansibhwa teetyo.Unyene te katendelo kahya singa tu bhwakofumya managha ku bhantu alake bhatende katendelo kahya. Unyene

te managhaTukubha alikutulenta kujha kumanagha gheke Kabhumba.Unyene te Mwegho alikutuhelesya kabhili mu bhoobha bhwa mekasi (Bhalumi 8:15) tukubha alikulenta mu kughola(2 Bhakolinto 3:17).

## NI KUSI TULIKUMUSAMBA MWEGHO MULAFU?

- Mwegho Mulafu alikutuha managha gha kusiipa( Milimo jhya Mintengwe 1:8). Ighambo leeli 'managha' Kobhe bholibhasile mu katendelo ka Sijhunani 'dunamis,' katendelo kaka kalikulansya kubha ti 'managha makulu ghalikusula kuhindula.' Ni ikunka lyakukabha Mwegho Mulafu alikwisa no kwikala ku mwetu. Unyene akotuha managha ghakuhindula fintu mu mekasi ghetu no mumekasi gha bhandi.
- Unyene akotuha bhusimu bhwa kutangaasisya Ighambo lyeke

- Kabhumba(Matajhu 28: 18- 20, Maliko 16:15-18).
- Akotukonka no kutusunga (Jhohana 16:13, Bhaluumi 8:14).
- Akotubhembelesya (Jhohana 14:18, Milimo jhya mitengwe 9:31).
- Akotujhelekesya no kutufundisya (Jhohana 14:26, 1 Bhakolinto 2:11-12).
- Alikulyata nafwe no kubha luhande lwa mekasi gheetu (Jhohana 14:16).
- Alikututembekesesya kubha ti ufwe tuli bhana bheke Kabhumba,kutetyo alikutubhika hamwi no bhutunsi bhwajhe Kiliisito(Bhaluumi 8:16; Bhaefeso 3:6).
- Alikuha bhuhuru bhwa kumukolelela Kabhumba kukuteha (Bhaluumi8:15, 2 Bhakolinto 3:17; 2 Timoseo 1:7).

### Ukobhwele Kubha Bhujhakumwi Na Mwegho Mulafu

### Jhohana 14:17,

Shoogho Mwegho alokabhafimbululila bhantu bhwene. Bhantu bhakukabha bhalikumutuna Kabhumba tebhanakobhola kumusangaanila, ku bhukohela tebhamubhwene, kabhili tebhamujhinsi. Tukubha umwe mumwinsi Mwegho ghoogho, ku bhukohela ajhikele hamwi nenyu, kabhili ajhikele mukati muwenyu"

Kubha bhujhakumwi na Mwegho Mulafu ni kumanya kubhaho kwajhe nyene no kughumanya mulimo ghwajhe mu mekasi ghetu. Ku tetyo uhenselwe kubha ne ikunka lya kubha najhe kobhe munywanyi ghoobhe.Ukobhwele ghwabha na bhujhakumwi najhe kukujhikanyia najhe kuhitila kutendajhyuka,kwijhigha Ighambo Iyeke Kabhumba,no kumutikisya unyene Mwegho Mulafu.

M u k u b h a g h w a f y a l w a bhuhya,ukobhatisibhwa ku nsila jhya Mwegho Mulafu.Kubhatisibhwa gho kufubhikwa bhuliko mu sintu syosyonse. Kobhe teeti bhonatwala mupira ghwaghufubhika mu muhange mukulu ghwa mansi. Ne teeti bhofikobha halya bhokobha ghwafyalwa bhuhya,kobhe mupila bhoghukabhele,ughwe noghwe ukofubhikwa mukati mwa Mwegho Mulafu.

Tukubha nonwe ughwe,ususene na sintu simwi kobhe mupila ghwakafimbilwa na mansi, tukuluhande lundi syo hisyunkene no mupila ni kubha ubhumbike no kufimbilwa na Mwegho Mulafu. Aleke mupila ghulole mukubhumbika ghuhenselwe ghubhe ne ihulu lya kuhisya mansi aleke ghalole mu kwingila mukati. Kobhe teetyo noghwe mukufyalwa

bhuhya,jhilikuhenselwa umupokeele Mwegho Mulafu mukati mumobhe aleke ubhumbike nyene.

Kabhili,kubhumbika Mwegho Mulafu te ighambo lya ifuku limwi lyakukabha likojhisa ku lwendo lumwi mu mekasi ghetu. Tukubha ni ighambo lya nfuku syonse no ku mafuku ghonse (Bhaefeso 5:18). Leli lilokoleka kujhikanyia no kubhumanya bhwene bhwajhe no kuswa mulimo ghwajhe mu mekasi ghobhe. Ulojhililika kubhumbika Mwegho Mulafu kubhuli bholikujhililika kukula kukubha no bhujhakumwi najhe,kukujhigha Ighambo lyajhe no kulolondelela ghalya ghwalikutuhana.Ku nsila jhejhi unakobhola kujhelekesibhwa na Mwegho Mulafu.

### KUTENDA MU KATENDELEO KANDI.

Mwegho Mulafu alikubhaha bhana bhajheKabhumbamanaghangha kusahula katendelo kahya. Mu fintu fyoghakatendanga Tata Bhusya ni kubha bhalya bhantu bhamwisighile alokabhaha managha gha kusahula kasahulilo kahya (Maliko 16:17).

Ghagha ni managha kufuma kwa Kabhumba nyene ghakukabha muntu ghulya amwisighile alikusahula najhe kumujhaghumwi kufuma mu mwegho ghwajhe,no kubha ghalobha ghabhikwa kuhitila Mwegho Mulafu.

Kutenda ku katendelo kahya ku jhindi nsila kukojhitwa"kuseegha kutila Mwegho Mulafu" Mukubha tulikusahula kuhitila katendelo kahya,tulikusahula kumujhaghumwi na Kabhumba (1 Bhakolinto 14:4) ne myegho jhyetu jhikujhungwa (Jhuuda 1:20). Myegho jhyetu jhilikuhebhwa managha no

kujhojhisibhwa bhuhya (Isajha 40:31).

Kubha ghwamupokeela Mwegho Mulafu unyene tyanatenda kuhitila kumobhe,tukubha alokuha managha na kutenda.Ku teetyo ulojhililika kusahula na Kabhumba ikunka lyonse lyohensile kwila teetyo.

Ikunka Iyolyobha ghwasumbula kusahula mu katendelo kahya,ulosangana ghwabha na mangha makulu ku bhuli bholi kujhililika kwila bhobho.Fili kobhe tilya mwana mutooli alikusumbula no kwijhigha kusahula maghambo mahya. Ni katendelo kahya singa tu kubha tohenselwe kusamba kusumbula kwijhigha,ku teetyo ulobha ghwanapata managha ghakusumbulakutenda.

Ku tilya bhotulikutenda katendelo kahya jhilikutufunaniila kughungilisya managha ghobhe gha kubha na kwisigha kukulu no kukufuna kupata filya fyakujhosesye Mwegho ghweke Kabhumba.

## JHIHENSELWE UJHE KUKANISA?

Kobhe ghwasoma sitabhu syeke Matajhu 16:18, Jheesu ghakatendanga kubha ti kanisa ni mutumba ghwajhe hanu habhwelelo,no kubha ghakabhalanga alolighubhaka ne misigho jhya kusimu tejhinalikobhola

"Kobhe tilya bhoghuli mutumba ghuli na filengo fingi ne filengo fyonse filikughusuma kubha mutumba ghumwi,gho bhuli no kwa Jheesu Kiliisito.Kubhukohela ufwe tuli Bhajhahudi ajhe bhantu bha ngo sindi,bhasya ajhe tusili bhasya,fwense twakabhatisibhwa na Mwegho ghumwi kuhitila mutumba ghogho ghumwi,nofwe twanywesibhwa Mwegho ghogho ghumwi." (1 Bhakolinto 12:12-14).

Ufwe tuli mutumba no Jheesu gho mutwe. Bhakilisito bhonse bhakafyalwa bhuhya ni filengo ku mutumba ghwajhe, (1 Bhakolinto 12:27). No kobhe tilya bhofili ku mutumba ghwa muntu kubha silengo simwi sya mutumba tesinakobhola kukola mulimo syongwa,kutetyoe na bhalya bhamulonsile Kiliisito tebhanakobhola kukola mulimo bhongwa bhusila Kiliisito. Teti ni kubhukohela Kabhumba ghakabhaha milimo kilauogho na mulimo ghwajhe no kubha bhantu bha kulifunanila iaknisa,ku tetyo kansi,ikanisa lyonse lilole mukusiipa. (1 Bhakolinto 12:18-24; Bhaefeso 4:11-12).

Ku tetyo kujha kukanisa ni kulansya kumutikisya Kabhumba,no kubha jhilikutufunanila ufwe kubhapambulila bhandi aleke bhalole mukukola mulimo ghwajhe Kabhumba; kusisya bhwalwele no kwila bhughelaghu ne jhindi jhyakukabha Kabhumba nahensile kubhaha. Ughwe unakobhola kumanya fisogha Ighambo lyeke Kabhumba lyakukabha lilikulangululwa,kuhulika bhukalola,no kutembekesya malebha gheke Kabhumba ghwalikwila. Kutendajhyuka kwa Kabhumba no kumulumba fyonse ku hamwi filikulenta kubha na bhujhakumwi na Mwegho Mulafu,no kwifunanila kumwi na bhalya bhakukabha bhamulonsile Mwegho Mulafu (Bhahebhulania 10:25; Milimo jhya Mintengwe 1:14; Sabhuli 133:1-2).

Kulyata ne Ighambo noli ghwengwa ni kobhe kutanda musosi mukulu no ulikujha mwibhala lyakukabha libhumbike Mwegho Mulafu lyakukabha gho ikanisa. Noli kobhe mukiliisito uhenselwe nkana umanye kanisa lyakukabha ulobha noli kusalika,Kanisa lyakukbha ulolilijhita ko lugho lobhe no kubha ulobha bhujhakumwi nalyo. Bhusila tetyo ulojhima ghwenyene kupambulilwa ne fintu findi kufuma kwa Kabhumba,kubha obhe ghwapotwa kulyata mu nsila jhyajhe Kabhumba. Ughwe nonwe ghwafyalwa bhuhya,Lyata nolikulanganyia kubha ti ughwe uli ghanyi,kabhili usileki kusangaana na bhalya bhakukabha ni bhantu bheke Kabhumba (Bhahebhulania 10:25) – Kajhe kukanisa!

### **KUKULA**

Bhibhililia jhibhasile kubha tilya bholikuhulika Ighambo Iyeke Kabhumba, Kwisigha nagho kukokwisila. Ndikuhensa kubha masomo ghagha ghesile ghakufunanile kukula kukumulonda Kabhumba. Mpola sesi sijhojhisibhwe kukulansya bhuli bhonabha muntu ghwa kufyala majhabho gha kwisigha kwa Kabumba, sintu sinakufunanila ughwe kukula fisogha kukuhitila kukumwisigha KabhumbaLikosye mulimo Ighambo Iyeke Kabhumba no kubha ulakulola kupambililwa mu mekasi ghoobhe.

## To contact the author write: Pastor Chris Oyakhilome:

#### **United Kingdom:**

Unit C2, Thamesview Business Centre Barlow Way, Rainham, RM13 8BT Tel.: +44 (0)1708 556 604

#### South Africa:

303 Pretoria Avenue Cnr. Harley and Bram Fischer, Randburg, Gauteng, South Africa. Tel:+27-11-326 0971, +27-11-326 0972

#### Nigeria:

Christ Embassy Plot 97, Durumi District, Abuja, Nigeria.

### Nigeria:

Plot 22/23 Billings Way, Oregun, Ikeja, Lagos. Tel: +234-808 586 5700, +234-817 198 7339

+234-802 478 9892-3

Please include your testimony or help received from this book when you write. Your prayer requests are also welcome.